

INDEX GEOGRAPHICUS. 67

Isthemo. V. Esthemo.

Ithaburis. V. Thabor.

Italia. Numer. 24. v. 24. Venient in trieribus de Italia, superabunt Assyrios, vastabuntque Hebræos, & ad extremum etiam ipsi peribunt. In vaticinatione Balaam Arioli de Romanorum Imperio: Isa. 66. v. 19. Italiam, & Græciam, ad Insulas longè, Ezech. 27. v. 6. & portoriola de Insulis Italiæ. Act. 27. v. 1. Judicatum est, eum (Paulum) navigare in Italiam. Vide Mosoch. Italiæ Regio notior est, quàm ut indicari egeat.

Ituræa Regio trans Jordanem, & inter Samariam & Arabiam. Ituræi ipsi erant Gentes cum Tribubus Dan & Ruben immixtæ, unde 1. Paral. 5. v. 19. & 20. dicuntur Ituræi auxilia præbuisse filiis Gad & Ruben contra Agarenos (Arabes.) Iturææ & Trachonitidis Tetrarcha fuit Philippus Herodis frater, Luc. 3. v. 1. Nec alia est Iturææ & Ituræorum in tota Scriptura Sacra mentio, & vix aliqua in prophanis Scriptoribus.

Jucadam inter Jezraël & Zanoë urbs est in octava Tribus Judæ parte, Jos. 15. v. 56.

Jud decima tertia urbium Tribus Dan, ex Josue 19. v. 45. inter Balaath & Bare descripta.

Juda Tribus regia, & ex qua nasciturus esset Christus, australem omnem amplectitur Terræ Promissæ partem, & à Mari Magno ad Mare Mortuum protensa, centum & quindecim civitates primùm obtinuit: ex quibus etiam si aliquæ Tribui Simeonis, & Tribui Dan postea concessæ fuerint, nihilominus ipsa omnium duodecim Tribuum longè maxima & fortissima fuit. De ea Jacob, Gen. 49. v. 8. & seq. multa vaticinatur de gloria, & dignitate inter reliquas; de fortitudine; de sceptro, quod non auferendum esset de hac Tribu, donec Messias missus esset; de fertilitate Terræ, &c. Ex hac Tribu fuere Naasson filius Aminadab Dux five Princeps 74600. filiorum Juda in Deserto, Numer. 1. v. 7. & 27. Chaleb filius Jephone, Deo charissimus, explorator Terræ Chanaan, & qui eam ingressus est cum 76500. Judæis. Othoniël inter Judices Israël; inter Reges, David, Salomon, alique Reges Juda. Zorobabel filius Salathiël primus Judæorum Dux post captivitatem Babylonicam, alique postea Duces. Joseph Virginis Mariæ vir, & Christi pater. Juda, è quo Tribus hæc nomen habet, filius fuit Jacob quartus ex Lia uxore, & ipsi, posthabito Ruben primogenito, Regnum promissum & datum est. Vide Ruben. Tribus Juda describitur à Josue 15. & in partes five regiones undecim dividitur.

Judæ Desertum. Judic. 1. v. 16. Filii autem Cinæi ascenderunt de civitate palmarum (Jericho) cum filiis Juda, in desertum fortis ejus, quod est ad Meridiem Arad, & habitaverunt in eo.

Judææ Montana penes Hebron putantur: per Montana Judææ maluerim intelligere regiones Judææ omnes, ubicumque Josue urbes in montanis describit: in prima scilicet Tribus Judææ parte, tum & in sexta, septima, octava, nona, decima, & undecima; in campestribus etenim describi videntur secunda, tertia, quarta, & quinta, ex Josue 15.

Judæa Regio totius Asiæ penè minima, sed & nobilissima; in orientali Maris Mediterranei littore, & inter Syriam, cujus pars fuit, & Ægyptum, à qua desertis Idumææ separatur, posita. Ea autem pro variis temporum rationibus varia sortitur nomina. 1. Terra Chanaan primum vocata est, Genes. c. 12. 13. &c. à Chanaan filio Cham, cujus filii eam inter se partiti sunt, & per multos annos occuparunt. V. Chanaan. 2. Terra Promissa, ex quo Deus eam promisit Abraham, & semini ejus, Gen. c. 12. 13. &c. 3. Terra Israël, Ezech. 7. & Regnum Israël, 1. Reg. c. 13. 15. Israelitis Abraham posteris eam obtinentibus, & totam in suas duodecim

Latit.	Longit.
Gr. Scr.	Gr. Scr.

31. 7 $\frac{1}{2}$	66. 8.
---------------------	--------

32. 38.	67. 0.
---------	--------

42. 30.	35. 0.
---------	--------

32. 0.	67. 40.
--------	---------

31. 21.	66. 37.
---------	---------

31. 47.	66. 2 $\frac{1}{2}$
---------	---------------------

31. 20.	66. 20.
---------	---------

31. 0.	66. 37 $\frac{1}{2}$
--------	----------------------

31. 30.	66. 12.
---------	---------

32. 0.	67. 0.
--------	--------